

De Ludwigsblaz.

Von W. Henne.

So lang schunn de Ludwigsblaz beschded, is 'r de Middelpunkt vunn Ald-Saarbrigg. Wie se die Ludwigskirch gebaut hann unn die Heiser drumerum, do is de Firscht alle zwei Daag vunn Schloß erinnerkumm unn hat sich die Geschicht beguckt. Dann hat'r zu seinem mit me großartige Monokel ausgezeichnete Wirkl. Geh. Ober- und Flügel-Adjutant gesahd:

„Superbe! Mein Lieber! Der Stengel is doch ein ganz hervorragender Baumeister. Na, kostet mich auch Geld genug! Zeit, daß ihm bald mal eine Technische Hochschule Dr. h. c. verleiht. Vielleicht errichten Wir mal selbst eine, was!? Und seh'n Se mal da drüben — werden sich später freuen, dort ein schönes Postamt einrichten zu können *).“

Unn was war das vor e Klimbin, wie se die Kirch unn de Blaz ingeweiht hann! Do is das ganze Milidär feldmarschmäßig mit Feldkch unn Fahne unn Sanidäder ausgerickt, an der Schpiß die Musik verschdärkt durch's shtädtische Orchester.

Was hann do vor Leit an dem Blaz gewohnt!! Nix wie Grase unn Barone. Sogar e schbätere Firschtin, 's „Gänjegretel“, hat dort als Hausdochter (so sah'n se jo heit zu de Dienstmäade) die erschde Schbrosse vunn ihrer schtolze Laufbahn erklomm.

Wie dann hernohde die franzesische Sangskilotte in der Revolutionszeit kumm sinn, hann se sich uff em Ludwigsblaz brääd gemacht. Bis dann de Napoleon kumm is unn hat 'ne mol gesahd, was sinf Grosche unn e Weck mache. Do hann die Kerle wenigstens emol anschdänniche Klääder an de Leib griehd, daß mr gesiehn hat, es sinn Soldate. An sich ware nadierlich die Saarbrigger mit dem Ampereer genau so unzufriede wie vorher mit der Freiheitsbaangesellschaft. Äanes scheene Daags war's Effich mit der Kaiserherrlichkääd. Das war anno 12. Do is de Napoleon durch Saarbrigg durch, unn wie er an die Ludwigskirch kummt, do flucht 'r vor sich hin:

„Sacré nundidié! Siehn mr uns e so widder!?!“

Do hat's awwer vunn Turm nure ganz dies „Bumm“ gemacht — unn de Napoleon war verschrock unn hat nix meh geschwät bis er in Paris war. E paar Johr hat's noch gedauert, bis de Wunsch vunn de Saarbrigger, preißisch ze werre, erfüllt wor is. Was hann se net alles angeschdellt: Kommissionen unn Bittschrifte sinn zusammengeschdellt wor. Viel Gedanke unn Angst hann sie sich gemacht bis zu dem Daag, wo die Preise vunn Saarland Besiz ergriff hann. Daß muß dann awwer e Fesch gewänn sinn!! Die ganz Bevelkerung is in die Kirch gezooh. Do hann se ihrem Herrgott gedankt, daß alles so zu eme gudde Enn kumm is. Uff em Blaz hann die preißische Soldate geschdann und hann bräsendiert unn zum Schluß hann se allegare de Keenich hochlewe gelaß.

Domols unn noch viele Johre denoch hann die Soldate uff em Ludwigsblaz exerziert. Zwitschedrinerum sinn die Mäade mit de Rinnerwään gefahr.

1870 sinn die Soldate dort eniwwer direkt in die Schlacht eninn. Unn jedes Johr, am 6. August, sinn die Schulkinner unn die Vereine vunn dem Blaz aus ins Ehrebaal gezooh, vor dort das Andenke vunn de Gefallene ze ehre. Das war e Fesch! Ball noch scheener wie Kaisersch Geburdsdag! Unn das war schunn scheen! Zuerst schunn emol omends de Faggelzug. Do hann sie sich all getroff: die 70er, die Drachoner, die Hulaner unn die Daarler Artillerie. Die 70er hann Schtallaterne getrah, die „beriddne Waffe“ Lampions. Uff emol hat dann äaner ebbes geschrie. Do hann se dann all ihr Kerze angeschdock. Die Schbielleit hann getrillert unn gewirbelt, daß es em ganz annersthd wor is. Das hann se „s Locke“ genennt. Unn uff emol hat die Pauk dezwische geknallt unn mir hann all mitgesung: „Faggelzug! Faggelzug!“ Bis an die Luwifebrige sinn mir Ald-Saarbrigger mitgang. Dort hann dann schunn die Sangehanner mit de Herwele geschdann unn hann uffgepaßt, daß Unbefugte net no Sangehann erinn kumm sinn. Do sinn mir dann direkt an die Ald Brigg unn hann Poschde bezoo.

Am erschde Mai do war das e Blooserei de ganze Daag. Morjens in aller Friehe hann schunn die Drachoner gebloos, de Mai wär kumm. Rohmiddags hann's die Hulaner in eme Schdändche uff em Blaz beschdächt mit lauter Friehlingslieder unn Wiener Walzer, daß em es Herz uffgang is, wie e Dampfpuhel.

Während dem Weltkrieg is do middags immer die Wach uffgezooh. 70er unn 174er. Do hann mir Lausbuwe immer kritisch debeilgeschdann unn hann uffgepaßt, ob aach alles klappt unn ob der Offizier aach gudd kummandiert: „Vergatterung!“

Gleich im Anfang sinn am Blaz die Päär ausgemuschdert wor. Wään hann do geschdann unn sinn vunn Handwerker in e Fuhrparkkolonn umgewandelt wor. Unn kurz denoch sinn die erschde deutsche Soldate, wo vunn auswärts kumm sinn, inwver de Blaz.

*) De Firscht war vorher bei der Kaardplätz.